

ত্রিপুরা সরকার
তথ্য ও সংস্কৃতি অধিকার

স-৪৮৫২

তেলিয়ামুড়া, ১২ ফেব্রুয়ারি, ২০২৪

তেলিয়ামুড়ায় ১০দিনব্যাপী হস্তকারু শিল্প প্রদর্শনীর সূচনা

হস্তকারু শিল্পীদের আর্থসামাজিক মান উন্নয়নে

সরকার উদ্যোগ নিয়েছে : রেশম শিল্পমন্ত্রী

তেলিয়ামুড়ায় নতুনভাবে গড়ে তোলা মেলা প্রাঙ্গণে গতকাল থেকে হস্তকারু শিল্প প্রদর্শনীর সূচনা হয়েছে। ১০দিনব্যাপী এই প্রদর্শনীর উদ্বোধন করেন হস্ততাঁত, হস্তকারু ও রেশম শিল্পমন্ত্রী বিকাশ দেববর্মা। হস্ততাঁত, হস্তকারু ও রেশম শিল্প দপ্তরের উদ্যোগে ও ভারত সরকারের হস্তকারু শিল্প উন্নয়ন কমিশনের আর্থিক সহায়তায় এই প্রদর্শনীর আয়োজন করা হয়েছে। প্রদর্শনীর উদ্বোধন করে রেশম শিল্পমন্ত্রী বলেন, ভোকাল ফর লোকাল এই মৌগানকে সামনে রেখে হস্তকারু শিল্পীদের আর্থসামাজিক মান উন্নয়নে সরকার উদ্যোগ নিয়েছে। রাজ্য সরকারের এই প্রয়াস জারি থাকবে। এ ধরনের প্রদর্শনী হস্তকারু শিল্পীদের আত্মনির্ভর হতে সহায়ক ভূমিকা নেবে। অনুষ্ঠানে ত্রিপুরা বিধানসভার সরকারি মুখ্যসচেতক বিধায়ক কল্যাণী সাহা রায় বলেন, আগে বয়ন ও হস্তকারু শিল্পীদের গুরুত্ব দেওয়া হতো না। বর্তমানে কেন্দ্রীয় ও রাজ্য সরকার শিল্পীদের আর্থিক বুনিয়াদ মজবুত করতে বিভিন্ন উদ্যোগ গ্রহণ করেছে। এতে হস্ততাঁত ও হস্তকারু শিল্পীরা আত্মনির্ভর হয়ে উঠছেন।

উদ্বোধনী অনুষ্ঠানে অন্যান্যদের মধ্যে বক্তব্য রাখেন তেলিয়ামুড়া পুরপরিষদের চেয়ারপার্সন রূপক সরকার ও মহকুমা শাসক অভিজিৎ চক্রবর্তী। স্বাগত বক্তব্য রাখেন হস্ততাঁত, হস্তকারু এবং রেশম শিল্প দপ্তরের অধিকর্তা তরুণ দেববর্মা। ১০দিনব্যাপী এই প্রদর্শনীতে রাজ্য ও বহিরাজ্যের হস্তকারু শিল্পীদের ৫৪টি স্টল খোলা হয়েছে। তথ্য ও সংস্কৃতি দপ্তরের সহযোগিতায় প্রদর্শনীর ১০দিন সাংস্কৃতিক অনুষ্ঠানেরও আয়োজন করা হয়েছে।
